

ADMINISTRACIÓN LOCAL

MUNICIPAL

FENE

Secretaría

Aprobación definitiva da Ordenanza fiscal núm. 16

ANUNCIO DE APROBACIÓN DEFINITIVA DE MODIFICACIÓN DA ORDENANZA FISCAL N.º 16 REGULADORA DA TAXA POLA PRESTACIÓN DE SERVIZOS NO CEMITERIO MUNICIPAL

O 15.10.2018 o Pleno do Concello, na súa sesión extraordinaria urxente, acordou aprobar provisionalmente a modificación dos artigos 2 e 7 e da disposición final da Ordenanza fiscal núm. 16, reguladora da taxa pola prestación de servizos no cemiterio municipal.

Unha vez que transcorreu o prazo de exposición ao público presentouse un escrito de preguntas e suxestións respecto da Ordenanza.

O 05.12.2018 O Pleno do Concello, na súa sesión ordinaria, acordou inadmitir a alegación presentada e aprobar definitivamente a modificación dos artigos 2 e 7 e da disposición final da Ordenanza fiscal núm. 16, reguladora da taxa pola prestación de servizos no cemiterio municipal, de acordo co artigo 17.3 do Real decreto legislativo 2/2004, de 5 de marzo, polo que se aproba o texto refundido da Lei reguladora das facendas locais.

É polo que, segundo o disposto no artigo 17.4 do citado Real decreto legislativo faise público o texto íntegro da Ordenanza, para os efectos da súa entrada en vigor:

ORDENANZA FISCAL N.º 16

REGULADORA DA TAXA POLA PRESTACIÓN DE SERVIZOS NO CEMITERIO MUNICIPAL

Fundamento legal

Artigo 1º.-

De conformidade co previsto no Art. 57 do R.D. Legislativo 2/2004 de 5 de marzo polo que se aproba o Texto Refundido da Lei Reguladora das Facendas Locais, este Concello establece a taxa pola prestación de servizos no cemiterio municipal.

Feito impoñible

Artigo 2º.-

O feito impoñible realízase pola utilización dos seguintes servizos, que se prestan no cemiterio municipal:

- a) Licenzas de apertura para inhumacións e exhumacións.
- b) Concesión de nichos.
- c) Autorizacións para transmisións de nichos.
- d) Conservación e vixilancia de nichos.
- e) Utilización do fogar funerario.
- f) Servizo de transporte ao cemiterio.

Devengo

Artigo 3º.-

As taxas devengaranse no momento da obtención da autorización municipal para a utilización de calquera dos servizos enumerados no artigo 1º.

Independentemente do anterior, e ao abeiro do disposto no Art. 26 do R.D. Legislativo 2/2004 de 5 de marzo, a taxa liquidarase cando se presente a solicitude que inicie o expediente.

Condicións da concesión**Artigo 4º.-**

1.- A concesión de nichos entenderase a perpetuidade.

O dereito que se adquire polo pagamento da tarifa correspondente a nichos e cinceiros non é estritamente o da propiedade física do terreo, senón o da conservación a perpetuidade dos restos nos devanditos espazos polo tempo que preste servizo o cemiterio, sempre e cando os titulares desta clase de sepulturas satisfagan os dereitos e cumpran as normas que a este efecto se establecen nesta Ordenanza.

2.- Os criterios para a concesión de nichos que se realicen en novas promocións rexeranse en cada momento polo que determine o Pleno da Corporación Municipal.

Para a adxudicación de ocos incluídos na reserva municipal, tendo en conta a excepcionalidade e o carácter restrinxido que esta ten, seguirase un criterio baseado na adxudicación correlativa das existencias mais antigas atendendo aos criterios de orde alfabética das mazás e numérica dos nichos.

Suxeito pasivo**Artigo 5º.-**

Están obrigados ao pagamento as persoas físicas ou xurídicas que obteñan as autorizacións municipais e utilicen calquera dos servizos enumerados no Art. 2º.

Responsables**Artigo 6º.-**

1.- Responderán solidariamente das obrigas tributarias do suxeito pasivo, as persoas físicas ou xurídicas a quen se refire o Art. 42.1 da Lei Xeral Tributaria 58/03 de 17 de decembro.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o Art. 43.1 apartados a), b), c) da Lei Xeral Tributaria 58/03.

Cota tributaria**Artigo 7º.-**

A cota tributaria determinarase por aplicación da seguinte tarifa:

Servizo	Concepto	Cota
Inhumacións ou exhumacións	Licenza de apertura	105,30
	Exhumación de restos para depósito no cinceiro	50,00
Concesión de nichos	Tarifa de referencia	654,05
	Nicho intermedio (110%)	682,05
	Nicho superior (100%)	654,05
Transmisión da titularidade	Nicho inferior (90%)	621,60
	Mortis causa (5% da tarifa de referencia da concesión)	35,05
	Inter vivos (20% da tarifa de referencia da concesión)	140,40
Conservación e vixilancia	Por cada nicho	13,10
	Colocación de lápidas e ornamentos	13,60
Utilización do fogar funerario	Por día	168,00
Transporte ao cemiterio	Viaxe de ida e volta	2,25

No caso da exhumación e inhumación de restos cadavéricos liquidarase unha única taxa por permiso de apertura, con independencia do número de persoas para que se solicite a licenza sempre e cando se realice no mesmo acto e no mesmo nicho.

As permutas terán a consideración, ós efectos de esta Ordenanza, de dúas transmisións intervivos.

Normas sobre a colocación de lousas.**Artigo 8º.-**

As normas que deberán observarse para a colocación de lousas nas frontes dos nichos son as seguintes:

1.- As obras complementarias nos nichos poderán ser: inscricións, cruces, urnas, lápidas e recubrimento ou aplacado das andanas, hastiais e repisas, de acordo coa nomenclatura do debuxo anexo.

2.- Hastiais (1): Manteranse libres de ornamentación e revestiranse de aplacado de granito tipo “labrador claro” ou similar, dun espesor que non supere os 3 cm. Levarán na súa parte superior un aleiro ou voadizo a bases de dúas pezas do mesmo material, superpostas Segundo detaie B-B´ sinalado no debuxo; non levarán resaltes entre ringleiras consecutivas.

3.- Repisas (2 e 4), andanas (3) e zócalos (5): Os materiais empregados nestas zoas, serán os mesmos que no caso anterior. As repisas axustaránse ós detaies C e D do debuxo e os zócalos ó detaie E do mesmo; nestes, dada a imposibilidade de manter a mesma medida en altura en toda a lonxitude dunha mesma fila, procurarase mante-la continuidade gardando a alineación na parte alta do zócalo; ó igual que nas repisas, non se permitirán resaltes en ringleiras consecutivas.

Nos nichos individuais, para colocar as andanas verticais, resulta preciso o acordo entre os tres propietarios dunha mesma fila, có fin de que as tiras sexan dunha soa peza, tal e como se indica no debuxo, e manténdose a homexeneidade dos materiais a empregar, que serán os especificados anteriormente. Nestes nichos, o custo de colocación do hastial, así como o da lápida do cinceiro e zócalo, repartirase entre os tres propietarios e a súa colocación farase ó mesmo tempo que as das lápidas.

4.- Lápidas de nichos e cinceiros (6): serán de composición a elixir libremente en cor branca ou negra, sendo recomendable esta última. Nos nichos individuais, rexerán as mesmas normas, debendo poñerse de acordo os propietarios dunha mesma fila en canto á elección da cor, có fin de evitar a multiplicidade de cores.

5.- As inscricións, cruces, signos, floreiros, capelas e demais elementos de decoración e identificación, elixiranse libremente, quedando á vontade dos interesados o colocalos ou non, se ben no caso de dispoñerse algún dos ditos elementos, a súa situación na lápida axustarase en tódo-los casos, e na medida do posíbel, ao que se contempla no planoo adxunto, coidando que se garden a mesma alineación entre ringleiras consecutivas, no referente ao voo destes elementos con respecto á lápida.

Nas lápidas individuais, pode optarse pola colocación dun ou varios dos elementos mencionados, para os que rexerá a mesma normativa en canto ao voo.

Normas de xestión

Artigo 9º.-

1.- Todas as licenzas e autorizacións para a utilización dos servizos aos que se refire esta Ordenanza, serán concedidos por Resolución da Alcaldía.

2.- O Encargado do Cemiterio non prestará ningún servizo mentres o usuario non tivese a correspondente autorización municipal, incorrendo en caso contrario en responsabilidade administrativa. Para o cumprimento de tal obriga remitirase ao encargado copia de todas as licenzas concedidas.

3.- Para utilizar calquera dos servizos a que se refire esta Ordenanza, solicitarase por escrito a correspondente licenza ou autorización, liquidándose as taxas polo sistema de depósito previo antes de anotar a petición no Libro de Rexistro de Entrada de documentos. A devandita liquidación provisoria converterase en definitiva no momento da concesión da licenza ou autorización.

4.- Cando a natureza material da taxa esixa o reporte periódico da mesma, o mesmo terá lugar o 01 de xaneiro de cada ano, e o período impositivo comprenderá o ano natural, salvo nos supostos de inicio ou cese no uso do servizo, en cuxo caso o período impositivo axustarase a esa circunstancia, co conseguinte rateo trimestral.

5.-Cando por causas non imputábeis ao suxeito pasivo, o servizo público non se preste ou desenvolva, procederase á devolución do importe correspondente.

6.- Será condición indispensable para proceder a realizar o cambio de titularidade por “mortis causa” ou “inter vivos”, estar ao corrente no pago das taxas.

7.- Poderá declararse a caducidade, e reverterá ó Concello a enteira dispoñibilidade dunha sepultura, entre outras causas, por abandono da mesma, considerándose como tal o transcurso de cinco anos desde a última inhumación verificada nela, sen que o seu titular, familiares ou parentes, aboaran os dereitos correspondentes á conservación.

Exencións

Artigo 10º.-

Estarán exentos os servizos que se presten con ocasión dos enterramentos de cadáveres de pobres de solemnidade, sempre e cando os gastos do enterro non sexan legal ou contractualmente a cargo doutra persoa ou Entidade con capacidade económica de abondo para satisfacelas.

Infraccións e sancións**Artigo 11º.-**

Constitúe infracción, o feito de utilizar calquera dos servizos aos que se refire esta Ordenanza, sen a obtención da correspondente autorización municipal.

En todo o relativo á cualificación de infraccións tributarias, así como das sancións que das mesmas correspondan en cada caso, estarase ao disposto no Art. 178 e seguintes da nova Lei Xeral Tributaria 58/03 de 17 de decembro.

Disposición final. Aprobación e vixencia

A modificación da presente ordenanza entrará en vigor o día da súa publicación no BOP, ata a súa modificación ou derogación expresa.

En Fene, a 5 de decembro de 2018, asinado dixitalmente polo alcalde Gumersindo Pedro Galego Feal.

2018/9250